



UNIVERSITÄTS-
BIBLIOTHEK
PADERBORN

**Q. SEPTIMII|| FLORENTIS|| TERTVLLIANI||
CARTHAGINIENSIS|| PRESBYTERI, OPERA|| QVÆ
HACTENVS REPERIRI|| POTVERVNT OMNIA:||**

Tertullianus, Quintus Septimius Florens

Antverpiae, 1584

Ex Ioannis Trithemii Abbatis Libro de Scriptor. Ecclesiast.

[urn:nbn:de:hbz:466:1-73633](https://nbn-resolving.org/urn:nbn:de:hbz:466:1-73633)

CATALOGI OPERVM
TERTVLLIANI.

Ex S. Hieronymo Catal. Script. Ecclesiast.

TERTVLLIANVS Presbyter, nunc demum primus post Victorem & Apollonium Latinorum ponitur, Prouinciæ Africæ, ciuitatis Carthaginensis, patre Centurione Proconsulari. Hic acris & vehementis ingenij, sub Seuero Principe & Antonino Caracalla floruit, multaq; scripsit volumina; quæ quia nota sunt pluribus, prætermittimus. Vidi ego quendam Paulum Concordiæ, quod oppidum Italiæ est, senem, qui se Beati Cypriani iam grandis ætatis Notariū, quum ipse admodum esset adolescens, Romæ vidisse diceret, referreque sibi solitum, numquam Cyprianum absque Tertulliani lectione vnā diem præterisse, ac sibi crebrò dicere: Da magistrum, Tertullianum videlicet significans. Hic quum vsque ad mediā ætatem Presbyter Ecclesiæ permansisset, inuidia postea & contumeliis clericorum Romanæ Ecclesiæ ad Mōtani dogma delapsus, in multis libris nouæ Prophetiæ meminit, specialiter autem aduersus Ecclesiam texuit volumina: *De Pudicitia, De Persecutione, De Ieiuniis, De Monogamia, De Ecclasi Libros sex, & septimum, quem aduersum Apollonium composuit.* Ferturque vixisse vsque ad decrepitam ætatem, & multa, quæ non existant, opuscula condidisse.

EX IOANNIS TRITHEMII ABBATIS

Libro de Scriptor. Ecclesiast.

TERTVLLIANVS Presbyter, patria Carthaginensis, Africanæ prouinciæ, patre Centurione viro Proconsulari, homo acris & vehementis ingenij, tam in diuinis quàm in secularibus scripturis doctissimus, quippè qui apud Carthaginem Rhetoricam multis annis gloriose docuit. Scripsit Latino sermone penè infinita opuscula, in quibus Hæreticorum errores fortiter contriuit. Huius scripta beatissimus Martyr Cyprianus in tanta veneratione habuit, vt nullum sine eorum lectione diem præteriret. Dicere enim ad Notarium suum consueuerat: Da Magistrum, Tertullianum videlicet designans. Tandem in errorem Montani delapsus dicitur, propter quod eius opuscula inter apocrypha computantur xv. dist. Sancta Romana. Et licet in aliquibus errauerit, in multis tamen bene scripsit, sicut eius volumina testantur: de quibus vidi,

<i>De Patientia Dei,</i>	Lib. vnum.	<i>Confiteor ad Dominum Deum.</i>
<i>Aduersus Praxean,</i>	Lib. 1.	<i>Variè diabolus amul.</i>
<i>Contra Marcionem,</i>	Lib. 5.	<i>Si quid retrò gestum est.</i>
<i>Contra Iudæos</i>	Lib. 1.	<i>Proximè accidit disp.</i>
<i>De Prescript. heretica.</i>	Lib. 1.	<i>Conditionem presentium.</i>
<i>Contra omnes hæreses</i>	Lib. 1.	<i>Quorum hereticorum.</i>
<i>Aduersus Hermogenem</i>	Lib. 1.	<i>Solemus hereticis con.</i>
<i>Contra Valentianos</i>	Lib. 1.	<i>Valentiniani frequent.</i>
<i>De Carne Christi</i>	Lib. 1.	<i>Qui fidem resurrectionis.</i>
<i>De Resurrectione carnis</i>	Lib. 1.	<i>Fiducia Christianorum.</i>
<i>De Corona militis</i>	Lib. 1.	<i>Proximè facta est liberal.</i>
<i>Ad Martyras</i>	Lib. 1.	<i>Inter carnis alimenta.</i>

De Pœnitentia	Lib. 1.	Pœnitentiam hoc genus.
De Velandis virginibus	Lib. 1.	Proprium iam negotium.
De Habitu muliebri	Lib. 1.	Si tanta in terra morare.
De Cultu feminarum	Lib. 1.	Ancille Dei viui confer.
Ad Vxorem	Lib. 2.	Dilectissima in Domino.
De Persecutione ad Fabium	Lib. 1.	Quæstisti proximè Fabi.
Ad Scapulam	Lib. 1.	Nos quidem neque expa.
Exhortatorium castitatis	Lib. 1.	Non dubito frater te.
De Monogamia	Lib. 1.	Hæretici nuptias aus.
De Pallio	Lib. 1.	Principes semper Africa.
De Spectaculis	Lib. 1.	
De Ieiuniis	Lib. 1.	
De Ecclasi	Lib. 6.	
Aduersus Apollonium	Lib. 1.	
De Pudicitia.	Lib. 1.	

Scriptit quoque & alia plura, variòsque tractatus, qui ad manus nostras adhuc minimè venerunt, vixitque vsque ad senectam & senium studiosus. Claruit Seueri Imperatoris temporibus, anno Domini ccc.

EX ANGELI POLITIANI EPISTOLARVM

Enchiridio, Epist. 5. Lib. 4.

DE TERTULLIANO quod requiris. Quintus Septimius Florens Tertullianus appellatur, cuiusque legi libros, præter Apologeticum; De Pallio, De carnis Resurrectione, De Corona militis, Ad Martyras, De Virginibus velandis, De Habitu mulierum, De Cultu feminarum, Ad Vxorem, Ad Scapulam, De Persecutione ad Fabium, De Exhortatione castitatis, De Patientia, De Monogamia, De Præscriptionibus hæreticorum, Contra Hermogenem, Aduersus Praxean, Valentinianos, Marcionem, Iudeos, Hæreticos omnes. Ipse quorundam præter hos Librorum meminit à se compositorum, qui nec exstant. Lactantius, vt in omnibus eruditum doctrinis, ita in eloquendo durior perhibet. Augustinus, lapsum quibusdam locis miratur, quamuis hominem doctissimum. Cyprianus sua frequenter scripta de illius fontibus irrigauit. Reliqua super eo Libellus Hieronymi virosum illustrium suppeditabit. Ex Apologetico verò nimium tibi decrat, quod & huic Epistolæ totum subnexui. Tu ceteros tamen eius Libros caue putes cum Apologetico conferendos; tum illud scito, volumen esse quod desideras propè immensum. Nam quod ad operam scilicet adinet, meam libenter equidem, de illa tibi verbis eisdem spondeo; quibus Publio Septimio de ciuium fortunis Antonius. Quid concupiscas, tu videris. Quod concupueris, certè habebis. Vale. Florent. Pridie Idus Ianuarij M. cccc. lxxxxi.

PARA-

